

কমপিউটার জগতের খবর

কমপিউটারের ওয়ারেন্টি নীতিমালায় আসছে পরিবর্তন

আগামী তিন মাসের মধ্যে কমপিউটার ওয়ারেন্টি নীতিমালায় ক্রেতা ও ব্যবসায়ীবান্ধব নতুন নীতিমালা প্রণয়ন করতে যাচ্ছে বাংলাদেশ কমপিউটার সমিতি (বিসিএস)। গত ২৬ জানুয়ারি সন্ধ্যায় বিসিএস ইনোভেশন সেন্টারে ওয়ারেন্টি নীতিমালা প্রমিতকরণ এবং এমআরপি নীতিমালা প্রণয়ন সংক্রান্ত মতবিনিময় সভায় এ সিদ্ধান্ত নেয়া হয়। প্রথমবারের মতো ভিডিও কনফারেন্সের

নীতিমালা প্রণয়নের লক্ষ্যে স্মার্ট টেকনোলজিস (বিডি) লিমিটেডের ব্যবস্থাপনা পরিচালক মো: জহিরুল ইসলামকে বিশেষ দায়িত্ব দেয়া হয়। তিনি বলেন, ক্রেতাদেরকে ওয়ারেন্টি প্রদান করা যেকোনো প্রতিষ্ঠানের জন্য গুরুত্বপূর্ণ। তবে ক্রেতাদের সম্বন্ধি পূরণে এ ব্যবস্থা নিয়মিতভাবে প্রচলিত রাখতে প্রতিষ্ঠানগুলোর প্রচুর ব্যয় করতে হয়। ব্যবসায় নিজেদের ক্ষতি করে কেউ সেবা



মাধ্যমে দেশের বিভিন্ন অঞ্চল থেকে বিসিএসের ৮টি শাখা কমিটির প্রতিনিধিবৃন্দও এ মতবিনিময় সভায় অংশ নেন। বিসিএস সভাপতি আলী আশফাকের সভাপতিত্বে অনুষ্ঠিত উক্ত সভায় সংগঠনের মহাসচিব ইঞ্জিনিয়ার সুরত সরকার, পরিচালক মো: শাহীদ-উল-মুনীর, এসএম ওয়াহিদুজ্জামানসহ অন্যান্য সদস্য উপস্থিত ছিলেন।

আগামী তিন মাসের মধ্যে নতুন ওয়ারেন্টি

দিতে চাইবেন না। তাই এমন এক নীতি প্রণীত হওয়া উচিত, যেখানে ওয়ারেন্টি সেবা দেয়ার জন্য ব্যবসায়ীদের বড় ধরনের কোনো খরচ হবে না, আবার ক্রেতাসাধারণও তুষ্ট থাকবেন। তাছাড়া উক্ত মতবিনিময় সভায় কমপিউটার পণ্যের এমআরপি সংক্রান্ত নীতি নির্ধারণের জন্য গ্লোবাল ব্র্যান্ড প্রাইভেট লিমিটেডের চেয়ারম্যান এসএম আবদুল ফাত্তাহকে বিশেষ দায়িত্ব দেয়া হয়।

২০২১ সালের মধ্যে সবার জন্য ইন্টারনেট : পলক



২০২১ সালের মধ্যে দেশের সব জনগণকে ইন্টারনেটের আওতায় নিয়ে আসা হবে বলে জানিয়েছেন তথ্য ও যোগাযোগ প্রযুক্তি প্রতিমন্ত্রী জুনাইদ আহমেদ পলক। তিনি বলেন, দেশের সব ইউনিয়নকে সংযুক্ত করতে ইনফো-৩ প্রকল্প বাস্তবায়ন করা হচ্ছে, গৃহীত হয়েছে এস্টাবলিশিং ডিজিটাল কানেক্টিভিটি প্রকল্প। দুর্গম এলাকাগুলোকে সংযুক্ত করতে কানেক্ট বাংলাদেশ প্রকল্প হাতে নেয়া হয়েছে। সম্প্রতি সুইজারল্যান্ডের দাভোসে ওয়ার্ল্ড ইকোনমিক ফোরামের ৪৭তম বার্ষিক সভার 'ইনোভেশনস টু কানেক্ট দ্য আনকানেক্টেড' শীর্ষক এক ফোকাস গ্রুপ ডিসকাশনে অংশ নিয়ে তিনি এ কথা বলেন। তিনি বলেন, দেশের সব মানুষকে নেটওয়ার্কের আওতায় নিয়ে আসতে এবং ডিজিটাল বাংলাদেশের সুফল জনগণের দোরগোড়ায় পৌঁছে দিতে ইতোমধ্যেই বাংলাদেশনেট ও ইনফো সরকার-২ প্রকল্পের মাধ্যমে উপজেলাগুলোকে উচ্চগতির ফাইবার অপটিক ক্যাবলের আওতায় নিয়ে আসা হয়েছে।

তথ্যপ্রযুক্তি রফতানিতে নগদ প্রণোদনা দেয়ার সিদ্ধান্ত

গত ২৬ জানুয়ারি অর্থ মন্ত্রণালয়ে অর্থমন্ত্রী আবুল মাল আবদুল মুহিতের সভাপতিত্বে অনুষ্ঠিত সভায় বাংলাদেশ থেকে তথ্যপ্রযুক্তি পণ্য ও সেবা রফতানির ক্ষেত্রে নগদ আর্থিক প্রণোদনা দেয়ার নীতিগত সিদ্ধান্ত নেয়া হয়েছে। বাংলাদেশ থেকে তথ্যপ্রযুক্তি রফতানির সমস্যা ও চ্যালেঞ্জ নিয়ে এই উচ্চ পর্যায়ের বৈঠক অনুষ্ঠিত হয়।

সভায় সরকারের পক্ষ থেকে অর্থমন্ত্রী ছাড়াও তথ্য ও যোগাযোগ প্রযুক্তি প্রতিমন্ত্রী জুনাইদ আহমেদ পলক, ব্যাংক ও আর্থিক প্রতিষ্ঠান বিভাগের সচিব মো: ইউনুসুর রহমান, জাতীয় রাজস্ব বোর্ডের চেয়ারম্যান নজিবুর রহমান, বাংলাদেশ ব্যাংকের ডেপুটি গভর্নর শীতাংশু কুমার সুর চৌধুরী, আইসিটি বিভাগের অতিরিক্ত সচিব হারুন অর রশীদ, বিসিসির নির্বাহী পরিচালক স্বপন কুমার সরকারসহ তথ্য ও যোগাযোগ প্রযুক্তি বিভাগ এবং অর্থ মন্ত্রণালয়ের উর্ধ্বতন কর্মকর্তারা উপস্থিত ছিলেন। তথ্যপ্রযুক্তি খাতের প্রতিনিধি হিসেবে বেসিস সভাপতি মোস্তাফা জব্বার ও সদ্য সাবেক সভাপতি শামীম আহসান বক্তব্য রাখেন।

ভারতের বেঙ্গালুরুতে আইফোনের উৎপাদন চায় অ্যাপল



এবার ভারতেও ঘাঁটি গাড়তে পারে 'অ্যাপল'। খুব জলদি হাতে পেতে পারেন 'মেড ইন ইন্ডিয়া' আইফোন। কারণ, কর্ণাটকের বেঙ্গালুরুতে মোবাইল ফোন তৈরির কারখানা শুরু করতে চলেছে অ্যাপল। ইতোমধ্যে সে প্রস্তুতি সায়াও দিয়েছে কর্ণাটক সরকার। সম্প্রতি এ নিয়ে অ্যাপলকে একটি ওয়েলকাম নোটও পাঠানো হয়েছে কর্ণাটক সরকারের পক্ষ থেকে। কর্ণাটকের তথ্যপ্রযুক্তি মন্ত্রী প্রিয়ান্থ খাড়গের সহি করা ওই ওয়েলকাম নোটে বলা হয়েছে, অ্যাপল বেঙ্গালুরুতে তাদের একটি উৎপাদন কারখানা গড়ে তুলতে চায়। চলতি বছরের জানুয়ারিতে অ্যাপলের উৎপাদন পার্টনার উইস্ট্রন কর্প বেঙ্গালুরুতে তাদের ইউনিট চালু করার আবেদন করে। তবে কবে থেকে কারখানা তৈরির কাজ শুরু হবে তা এখনও ঠিক করা হয়নি। সব কিছু ঠিক থাকলে চলতি বছরের জুন মাস থেকেই তা শুরু হওয়ার কথা। বেঙ্গালুরুর কোন জায়গায় কারখানা তৈরি করা হবে সে ব্যাপারে অ্যাপলের উচ্চপদস্থ কর্মীদের সাথে কর্ণাটকের তথ্যপ্রযুক্তি দফতরের অফিসারেরা ইতোমধ্যে বৈঠকও সেরে ফেলেছেন। অ্যাপলের এই কারখানা অনেক কর্মসংস্থান দেবে বলে তথ্যপ্রযুক্তি মন্ত্রীর আশা। অ্যাপল যে ভারতে তাদের উৎপাদন কারখানা চালু করতে চায় তা নিয়ে বর্ধদিন ধরেই জল্পনা চলছিল, যা শুরু হয়েছিল গত বছর অ্যাপলের সিইও'র ওই দেশে আসা এবং প্রধানমন্ত্রীর সাথে তার বৈঠকের পর থেকেই। যদিও তখন এ নিয়ে অ্যাপলের তরফে কোনো কিছুই খোলসা করা হয়নি।

বরিশালে বিসিএস ডিজিটাল মেলা অনুষ্ঠিত

বাংলাদেশ কমপিউটার সমিতির (বিসিএস) উদ্যোগে বরিশালের একে ইনস্টিটিউশনে সম্প্রতি অনুষ্ঠিত হয় 'বিসিএস ডিজিটাল এক্সপো বরিশাল ২০১৭'। প্রদর্শনীতে ৫০টি প্রতিষ্ঠানের ৬০টি স্টল ও ৫টি প্যাভিলিয়ন ছিল। মেলার লোগো উন্মোচন করেন বরিশাল-২ আসনের সাংসদ তালুকদার মোহাম্মদ ইউনুস। অনুষ্ঠানে বিশেষ অতিথি ছিলেন বরিশালের জেলা প্রশাসক গাজী মো: সাইফুজ্জামান, বিএমপির পুলিশ কমিশনার এসএম রুহুল আমীন, বরিশাল চেম্বার অব কমার্স অ্যান্ড ইন্ডাস্ট্রির সভাপতি সাইদুর রহমান প্রমুখ।

স্মার্টফোন বাজারে ছাড়ল ড্যাফোডিল

তথ্যপ্রযুক্তি প্রতিষ্ঠান ড্যাফোডিল কমপিউটার্স লিমিটেড (ডিসিএল) সাশ্রয়ী মোবাইল ফোন নিয়ে এসেছে বাজারে। সম্প্রতি রাজধানীতে এক সংবাদ সম্মেলনের মাধ্যমে ডিসিএল ব্র্যান্ডের মোবাইল ফোন বাজারজাতকরণ উদ্বোধন করেন ড্যাফোডিল গ্রুপের চেয়ারম্যান মো: সবুর খান। এ সময় তিনি বলেন, আমি মনে করি ডিসিএল সাধের মধ্যে ফ্রেতাদের হাতে ভালো মোবাইল ফোন তুলে দেবে।



সংবাদ সম্মেলনে বিভিন্ন মডেলের বৈশিষ্ট্য তুলে ধরেন ডিসিএল মোবাইল বিভাগের প্রধান মো: তৌফিকুল ইসলাম। তিনি বলেন, প্রাথমিকভাবে মোট ৮টি মডেলের ফিচার ও স্মার্টফোন বাজারে আসছে। ফিচার ফোনগুলো ৭৬০ থেকে ১৬০০ টাকার মধ্যে পাওয়া যাবে। এর মধ্যে ই১০, ডি১০ ও সি১০ এখন থেকে বাজারে পাওয়া যাবে। তবে স্মার্টফোনগুলো দামের ক্ষেত্রে বলতে পারি, বাজারে যেসব স্মার্টফোন আছে সেগুলো মাঝামাঝি দামে ডিসিএলের স্মার্টফোনগুলো বাজারে পাওয়া যাবে। আগামী মাসে আশা করি স্মার্টফোনগুলো বাজারে পাওয়া যাবে।

শুরু হচ্ছে জাতীয় হাই স্কুল প্রোগ্রামিং প্রতিযোগিতা

গত দুই বছরের সাফল্যের ধারাবাহিকতায় আবারও শুরু হচ্ছে জাতীয় হাই স্কুল প্রোগ্রামিং প্রতিযোগিতা ২০১৭। এবারের আয়োজন বেড়ে এর সাথে শিশুদের জন্য প্রোগ্রামিং উৎসব এবং ন্যাশনাল গার্লস প্রোগ্রামিং প্রতিযোগিতাও অনুষ্ঠিত হবে। তথ্য ও যোগাযোগ প্রযুক্তি বিভাগের এই আয়োজন বাস্তবায়নে সহযোগিতা করবে বাংলাদেশ ওপেন সোর্স নেটওয়ার্ক। গত ৩০ জানুয়ারি আইসিটি বিভাগের সম্মেলন কক্ষে এ বিষয়ে উভয়পক্ষের মধ্যে সমঝোতা স্মারক স্বাক্ষর হয়। আইসিটি বিভাগের অতিরিক্ত সচিব হারুনুর রশিদ এবং বিডিওএসএনের সহ-সভাপতি ও ঢাকা বিশ্ববিদ্যালয়ের রোবটিক্স অ্যান্ড মেকট্রনিক্স ইঞ্জিনিয়ারিং বিভাগের বিভাগীয় প্রধান লাফিফা জামাল নিজ নিজ প্রতিষ্ঠানের পক্ষে সমঝোতা স্মারকে স্বাক্ষর করেন। আইসিটি বিভাগ সূত্রে জানা গেছে, এ বছর ১৬টি বিশ্ববিদ্যালয়ের আয়োজন ছাড়াও তিনটি উপজেলায় এ প্রতিযোগিতা অনুষ্ঠিত হবে। এ ছাড়া এবারই প্রথম জাতীয় পর্যায়ে বিজয়ীরা বাংলাদেশ ইনফরমেশন অলিম্পিয়াডে সরাসরি অংশ নেবে এবং তার মাধ্যমে আগামী জুলাই মাসে ইরানের রাজধানী তেহরানে অনুষ্ঠিত আন্তর্জাতিক ইনফরমেশন অলিম্পিয়াডের জন্য বাংলাদেশ দলের সদস্যদের নির্বাচন করা হবে। সমঝোতা স্মারক স্বাক্ষরের উপস্থিতি ছিলেন আইসিটি বিভাগের উপসচিব বেগম মাহবুবা পান্না ও মো: কামরুজ্জামান, বিডিওএসএনের সাধারণ সম্পাদক মুনির হাসান ও প্রোগ্রাম অফিসার শারমীন কবীর, ওয়ান ইন ডিজিটালের প্রতিষ্ঠাতা আচিলা নীলা প্রমুখ।

বাংলা উইকিপিডিয়ার যুগপূর্তি উদযাপন

আনুষ্ঠানিকভাবে বাংলাদেশে পালিত হয়েছে বাংলা উইকিপিডিয়ার এক যুগ পূর্তি। ২০০৪ সালের ২৭ জানুয়ারি আনুষ্ঠানিকভাবে যাত্রা শুরু করে বাংলা উইকিপিডিয়া (<http://bn.wikipedia.org>)। গত ২৮ জানুয়ারি ঢাকায় উইকিমিডিয়া বাংলাদেশের উদ্যোগে বাংলাদেশ অ্যাসোসিয়েশন অব সফটওয়্যার অ্যান্ড ইনফরমেশন সার্ভিসেস (বেসিস) মিলনায়তনে এ উপলক্ষে অনুষ্ঠানের আয়োজন করা হয়। অনুষ্ঠানে বিশেষ অতিথি ছিলেন বাংলাদেশ জাতীয় জাদুঘরের মহাপরিচালক ফয়জুল লতিফ চৌধুরী, বেসিস সভাপতি মোস্তাফা জব্বার, এটিএন নিউজের হেড অব নিউজ মুন্না সাহা, প্রধানমন্ত্রীর কার্যালয়ের অ্যাকসেস টু ইনফরমেশন প্রকল্পের জনপ্রেক্ষিত বিশেষজ্ঞ নাইমুজ্জামান মুক্তা, ঢাকা বিশ্ববিদ্যালয়ের আইআইটির সহকারী অধ্যাপক ড. বিএম মাইনুল হোসেনসহ অনেকে। অনুষ্ঠানে বক্তারা বলেন, বাংলায় তথ্যসমৃদ্ধ একটি জ্ঞানভাণ্ডার হিসেবে বাংলা উইকিপিডিয়ার এগিয়ে যাওয়াটা বেশ জরুরি। এর মাধ্যমে বিনামূল্যে সবার জন্য একটি সমৃদ্ধ তথ্যভাণ্ডার গড়ে উঠছে নিজের ভাষায়। অনুষ্ঠানে উইকিমিডিয়া বাংলাদেশের সভাপতি আলী হায়দার খান, সাধারণ সম্পাদক নাহিদ সুলতান, কোষাধ্যক্ষ তানভির মোর্শেদ, নির্বাহী সদস্য শাবাব মুস্তাফা, মাসুম আল হাসান (রকি) এবং বাংলা উইকিপিডিয়ার প্রশাসক নুরুল্লাহ চৌধুরীসহ (হাছিব) বিভিন্ন জেলা থেকে আগত সক্রিয় উইকিপিডিয়া সম্পাদকেরা উপস্থিত ছিলেন।

বাংলাদেশের ডিজিটাল শিক্ষায় বিনিয়োগের আগ্রহ চীনের

বাংলাদেশের শিক্ষায় ডিজিটাল রূপান্তরের জন্য কারিগরি ও আর্থিক সহায়তা দেবে চীন। সম্প্রতি বেসিস কার্যালয়ে বেসিস সভাপতি মোস্তাফা জব্বারের সাথে চায়না সাউথ পাবলিশিং ও মিডিয়া গ্রুপের এক প্রতিনিধি দল সাক্ষাৎ করে। এ সময় প্রতিনিধি দল এই আগ্রহের কথা জানায়। চায়না



সাউথ পাবলিশিং ও মিডিয়া গ্রুপের এই প্রতিনিধি দলে ছিলেন প্রতিষ্ঠানটির কর্মকর্তা জেমস শু ও লরা ট্যাঙ্গ। তারা প্রতিষ্ঠানটি কীভাবে বই, পত্রিকা থেকে শুরু করে ডিজিটাল কনটেন্ট তৈরিতে ভূমিকা রাখছে এসব তথ্য তুলে ধরেন। এরই ধারাবাহিকতায় বাংলাদেশের শিক্ষাকে ডিজিটাল করার জন্য কারিগরি ও আর্থিক সহায়তা দেয়ার আগ্রহ প্রকাশ করেন তারা।

বেসিস সভাপতি তাদেরকে জানান, দেশের চার কোটি শিক্ষার্থীর পক্ষ থেকে চীনের এই আগ্রহকে বেসিস স্বাগত জানায়। বিশেষত ডিজিটাল ডিভাইস ও ডিজিটাল উপাত্ত উন্নয়নে চীন সহায়তা করলে বেসিস সদস্যরা এক্ষেত্রে সব ধরনের সহায়তা করবে বলেও উল্লেখ করেন।

২০২১ সালে প্রাথমিক বিদ্যালয়ে ওয়াইফাই : পলক

দেশে ২০২১ সাল নাগাদ বিশ্ববিদ্যালয়ের পাশাপাশি প্রাথমিক বিদ্যালয়ও তারহীন ইন্টারনেট সেবা বা ওয়াইফাইয়ের আওতায় নিয়ে আসা হবে বলে জানিয়েছেন তথ্যপ্রযুক্তি প্রতিমন্ত্রী জুনায়েদ আহমেদ পলক। তিনি বলেন, ২০২১ সাল নাগাদ শুধু বিশ্ববিদ্যালয় নয়, প্রাইমারি স্কুল পর্যন্ত দেশের প্রায় ১ লাখ ৭০ হাজার শিক্ষাপ্রতিষ্ঠান আছে, এগুলো ফাইবার অপটিক মিনিমাম ব্রডব্যান্ড কানেক্টিভিটি দিয়ে কানেক্ট করা হবে। অবশ্য এর আগেই শিক্ষার্থীদের তথ্যপ্রযুক্তিতে যোগ্য করে তুলতে দেশের প্রায় ৩৭টি পাবলিক বিশ্ববিদ্যালয়ে ফ্রি ওয়াইফাই সেবা চালু করা হবে বলে জানান তিনি। সম্প্রতি রাজশাহী বিশ্ববিদ্যালয়ের (রাবি) বঙ্গবন্ধু শেখ মুজিবুর রহমান হল ও কেন্দ্রীয় গ্রন্থাগার চত্বরে ফ্রি ওয়াইফাই জোন উদ্বোধনের সময় এসব কথা বলেন পলক। রাজশাহী বিশ্ববিদ্যালয়ে এই ওয়াইফাই হটস্পট সেবা দিচ্ছে 'আমরা টেকনোলজিস'। ওয়াইফাই হটস্পট উদ্বোধনের সময় বিশ্ববিদ্যালয়ের উপাচার্য অধ্যাপক মুহম্মদ মিজানউদ্দিন, উপ-উপাচার্য অধ্যাপক চৌধুরী সারওয়ার জাহান, জনসংযোগ দফতরের প্রশাসকসহ কর্মকর্তা-কর্মচারীরা উপস্থিত ছিলেন।

গ্রামীণফোনে অপ্লোর নতুন মোবাইল

মোবাইল অপারেটর গ্রামীণফোনের সাথে নতুন দুটি এফ১এস ও এ৩০এফ মডেলের স্মার্টফোন ডিভাইস বাজারে এনেছে মোবাইল নিমার্ণকারী প্রতিষ্ঠান অপ্লো। সম্প্রতি জিপি হাউসে গ্রামীণফোনের বান্ডেল অফারসহ আনুষ্ঠানিকভাবে উন্মোচন করা হয় স্মার্টফোন দুটি।

অপ্লো এফ১এস ও এ৩০এফ ডিভাইসের সাথে পাওয়া যাবে বিনামূল্যে গ্রামীণফোনের ১ জিবি ইন্টারনেট ডাটা। দাম ১১ হাজার ৯০০ টাকা।



স্যামসাং গ্যালাক্সি এস৭ এজ বাজারে



স্যামসাং মোবাইল বাংলাদেশের বাজারে এনেছে স্যামসাং গ্যালাক্সি এস৭ এজের নতুন সংস্করণ এস৭ এজ ব্লু কোরাল। দাম ৭৪ হাজার ৯০০ টাকা এবং পাওয়া যাচ্ছে প্রতি মাসে মাত্র ৬২৪২ টাকা করে শূন্য শতাংশ ইন্টারেস্টে ১২ মাসের সহজ কিস্তিতে।

স্টার্টআপ ইকো-সিস্টেম তৈরিতে কাজ চলছে : পলক

তথ্য ও যোগাযোগ প্রযুক্তি প্রতিমন্ত্রী জুনাইদ আহমেদ পলক বলেছেন, বাংলাদেশে স্টার্টআপ ইকো-সিস্টেম তৈরি করতে মূলত তিন স্তরের একটি পিরামিড স্ট্রাকচারের ভাবনা চলছে। সম্প্রতি রাজধানীর জনতা টাওয়ারে সফটওয়্যার টেকনোলজি পার্কে ‘ক্রিয়েটিং এ ডেপথার ক্যাপিটাল ইকো-সিস্টেম : গভর্নমেন্টস রোল’ শীর্ষক গোলটেবিল আলোচনা সভায় প্রধান অতিথির বক্তব্যে প্রতিমন্ত্রী এ কথা বলেন। আলোচনায় ডেপথার ক্যাপিটাল ইকো-সিস্টেম গড়ে তুলতে করণীয় এবং বিশ্বের অন্যান্য দেশের সর্বোৎকৃষ্ট অভিজ্ঞতাগুলো নিয়ে যুক্তরাষ্ট্রের সানফ্রান্সিসকো স্টেট ইউনিভার্সিটির ড. মাহমুদ হুসাইন উল্লেখযোগ্য একটি বর্ণনা উপস্থাপন করেন। তথ্য ও যোগাযোগ বিভাগের সচিব শ্যাম সুন্দর সিকদারের সভাপতিত্বে আলোচনায় সানফ্রান্সিসকোভিত্তিক সিপিএ ডেপথার ক্যাপিটালের কনসালট্যান্ট টিনা জাবিন, বাংলাদেশ ইউনিভার্সিটির বোর্ড অব ট্রাস্টির চেয়ারম্যান জামিল আজহার, তথ্য ও যোগাযোগ প্রযুক্তি অধিদফতরের মহাপরিচালক বনমালী ভৌমিক, তথ্য ও যোগাযোগ প্রযুক্তি বিভাগের অতিরিক্ত সচিব সুশান্ত কুমার সাহা, বেসিসের সাবেক সভাপতি শামীম আহসান, সহজ ডটকমের ব্যবস্থাপনা পরিচালক মালিহা এম কাদির, প্রতিমন্ত্রীর একান্ত সহকারী আবদুল বারী প্রমুখ অংশ নেন।

ডি-লিঙ্ক কাস্টমার কেয়ারের অংশীদার কমপিউটার সোর্স

এখন থেকে দেশজুড়ে ভোক্তা পর্যায়ে ডি-লিঙ্ক পণ্যের সেবা দেবে কমপিউটার সোর্স। এজন্য ধানমণ্ডিতে অবস্থিত কমপিউটার সোর্সের কেন্দ্রীয় সেবাকেন্দ্রে একটি স্বতন্ত্র সেবা ইউনিট (কাস্টমার কেয়ার) খুলেছে নেটওয়ার্ক ও সংযোগ পণ্যসেবায় বিশ্বের শীর্ষস্থানীয় উৎপাদক প্রতিষ্ঠান ডি-লিঙ্ক। সম্প্রতি উভয় প্রতিষ্ঠানের মধ্যে এ বিষয়ে একটি সমঝোতা চুক্তি সই হয়েছে। কমপিউটার সোর্স পরিচালক আসিফ মাহমুদ এবং ডি-লিঙ্কের (ভারত) কাস্টমার সাপোর্ট সার্ভিস বিভাগের ডিপি বালগন্দ চৌগুলা চুক্তিতে সই করেন। চুক্তিপত্র বিনিময়ের পর ডি-লিঙ্ক কাস্টমার সাপোর্ট সার্ভিস বিভাগের ডিপি বালগন্দ চৌগুলা বলেন, বাংলাদেশের যেখান থেকেই পণ্য কিনুন না কেন এই কাস্টমার কেয়ার ইউনিট থেকে পূর্ণাঙ্গ বিক্রয়োত্তর সেবা পাবেন ডি-লিঙ্ক ক্রেতারা। এ সময় ডি-লিঙ্ক (ভারত ও সার্ক অঞ্চল) চ্যানেল সেলস বিভাগের ডিপি সংকেত কুলকার্নি, ডি-লিঙ্ক বাংলাদেশের আবাসিক প্রতিনিধি শাহরিয়ার হোসেন, কমপিউটার সোর্সের হেড অব অপারেশন রাশেদুল খালেক শিমুল, সার্ভিস ম্যানেজার মো: জামিল প্রমুখ উপস্থিত ছিলেন।



লেনোভো ইমার্জিং পার্টনার অ্যাওয়ার্ড পেল স্মার্ট টেকনোলজিস

সম্প্রতি ভারতের ব্যাঙ্গালোরে আয়োজিত এক অনুষ্ঠানে স্মার্ট টেকনোলজিসের পরিচালক জাফর আহমেদ লেনোভোর উর্ধ্বতন কর্মকর্তাদের হাত থেকে এই পুরস্কার গ্রহণ করেন। এ সময় উপস্থিত ছিলেন লেনোভো ভারতের পরিচালক রাজেশ থারানি, মহাব্যবস্থাপক নিরাজ পাঞ্চয়েলি, রিজিওনাল সেলস ম্যানেজার শেখর কর্মকার, সেলস ম্যানেজার রাশেদ কবির এবং স্মার্ট



টেকনোলজিসের লেনোভো বিজনেস হেড (আইটি) এএসএম শওকত মিল্লাত প্রমুখ। উল্লেখ্য, গত বছর থেকে বাংলাদেশের বাজারে লেনোভো পণ্য বাজারজাত করে আসছে স্মার্ট টেকনোলজিস (বিডি) লিমিটেড।

ই-কমার্সের ডিজিটাল মার্কেটিং নিয়ে দুই দিনব্যাপী কর্মশালা অনুষ্ঠিত

ই-কমার্স ব্যবসায় ডিজিটাল মার্কেটিংয়ের নানা কৌশল ও গাইডলাইন সম্পর্কে জানাতে তরুণ উদ্যোক্তাদের নিয়ে অনুষ্ঠিত হলো দুই দিনব্যাপী ‘ডিজিটাল মার্কেটিং ফর ই-কমার্স’ কর্মশালা। ই-কমার্স অ্যাসোসিয়েশন অব বাংলাদেশের অঙ্গসংগঠন ই-ক্যাব ইয়ুথ ফোরামের উদ্যোগে কর্মশালাটি গত ২৭ ও ২৮ জানুয়ারি ঢাকা বিশ্ববিদ্যালয়ের সিরাজুল ইসলাম লেকচার থিয়েটারে অনুষ্ঠিত হয়। এই সম্মেলনে প্রথম দিনে ডিজিটাল মার্কেটিংয়ের ভিত্তি ও গাইডলাইন এবং ফেসবুক মার্কেটিং নিয়ে কথা বলেন ঢাকা বিশ্ববিদ্যালয়ের ব্যবস্থাপনা বিভাগের প্রফেসর ড. মোশাররফ হোসেন, দেশের প্রথম প্রোডাক্ট সার্চ ইঞ্জিন চরকি ডটকমের কো-ফাউন্ডার রাশেদ মোশলেম ও স্টোরিয়া ডটকমের প্রধান উন্নয়ন কর্মকর্তা তাসদিক হাবিব।

কর্মশালার দ্বিতীয় দিনে ডিজিটাল মার্কেটিং নিয়ে কীভাবে দেশীয় ই-কমার্স কোম্পানিগুলো বিশ্ববাজারে নিজেদের অবস্থা তৈরি করতে পারে তা নিয়ে কথা বলেন ই-কমার্স জায়ন্ট আলিবাবা গ্রুপের অপারেশন ম্যানেজার মেহেদি রেজা।

তিনি বলেন, ‘দেশীয় কোম্পানিগুলোকে আন্তর্জাতিক বাজারে প্রবেশ করতে হলে ডাটা ও ইনোভেটিভ আইডিয়ার ওপর জোর দিতে হবে এবং ডিজিটাল মার্কেটিংয়ের নতুন নতুন কৌশলগুলো নিয়ে কাজ করতে হবে। এ ছাড়া এ কর্মশালায় গুগল মার্কেটিং নিয়ে কথা বলেন মার্কেটেভারের প্রতিষ্ঠাতা আল আমীন কবির, ই-মেইল মার্কেটিং নিয়ে ইম্পায়ার বাংলাদেশের ডিরেক্টর ওমর শরিফ, ফেসবুক অ্যাডভান্স মার্কেটিং নিয়ে বিডিভবসের রিসোর্স অ্যানালিটিক্স মশিউর মন্টি ও প্রাণন গ্রুপের ম্যানেজার হেলালুজ্জামান অয়ন। কর্মশালার শেষ সেশনে ই-ক্যাব ইয়ুথ ফোরামের প্রেসিডেন্ট আসিফ আহনাফের সঞ্চালনায় প্রশ্নোত্তর পর্বে উপস্থিত ছিলেন ই-ক্যাবের প্রেসিডেন্ট রাজিব আহমেদ, বিডিভবস ডটকমের প্রতিষ্ঠাতা ও বেসিসের সাবেক প্রেসিডেন্ট ফাহিম মার্শরুর ও অন্যান্য।

এ সময় ফাহিম মার্শরুর বলেন, ই-ক্যাব ইয়ুথ ফোরাম আয়োজিত এই ডিজিটাল মার্কেটিং কর্মশালাটি অত্যন্ত প্রয়োজনীয় ছিল। তরুণ উদ্যোক্তাদের ব্যবসায় হচ্ছে ই-কমার্স, তাই তাদেরকে নিয়ে এ ধরনের কর্মশালা আরও করা প্রয়োজন এবং এ ধরনের কর্মশালা ঢাকার বাইরেও হওয়া প্রয়োজন। ২শ’র বেশি ই-কমার্স উদ্যোক্তাকে নিয়ে অনুষ্ঠিত এই কর্মশালায় পৃষ্ঠপোষকতা করে গো ফেচ, ওয়ালেটমিক্স এবং সহায়তা করে এফএফসি, ব্রেকবাইট, ইভেন্টট্রান্স্প, রিবাস, কিউবি, লাইট স্পিড সোর্স, বিডিভবস, আপনজোন ডটকম ও এসডি এশিয়া।

এপসন ডব্লিউএফ-আর৮৫৯১ মডেলের প্রিন্টার

ডিজিটাল ইমেজিং এবং প্রিন্টিংয়ে বিশ্বের শীর্ষস্থানীয় প্রতিষ্ঠান এপসন দেশে এনেছে ওয়ার্কফোর্স আরআইপিএস সিরিজের ডব্লিউএফ-আর৮৫৯১ মডেলের প্রিন্টার। এতে আছে উচ্চ ধারণক্ষমতার রিপ্রেসেবল ইনক প্যাক সিস্টেম



(আরআইপিএস), যা গতানুগতিক কার্ট্রিজের চেয়ে বেশি পরিমাণে কালি ধারণ করতে পারে। ফলে অফিসের কাজে আরও বেশি ব্যবহার উপযোগী নতুন এই প্রিন্টার। এ-

ফোর মাপে সাদা-কালো এবং রঙিন উভয় ক্ষেত্রেই এই প্রিন্টার ৭৫ হাজার পৃষ্ঠা প্রিন্ট করতে পারে। কার্ট্রিজ না বদলেই একটি অফিসের এক মাসের চাহিদা পূরণ করতে পারবে এই প্রিন্টার। এই প্রিন্টারে সাদা-কালো প্রিন্টিংয়ের ক্ষেত্রে এক পৃষ্ঠায় খরচ হবে মাত্র ৪০ পয়সা, রঙিনে ৮০ পয়সা এবং ৪০ ওয়াট ক্ষমতাসহ এই এটি কাজ করতে সক্ষম। এই প্রিন্টারের উদ্বোধনী অনুষ্ঠানে এপসনের সেলস অ্যান্ড মার্কেটিং বিভাগের ভাইস প্রেসিডেন্ট সাম্মা মুরতি বলেন, 'এপসনের উদ্দেশ্য গ্রাহকের প্রত্যাশা পূরণ করা। বাংলাদেশ এবং বিশ্বের অন্যান্য দেশে গ্রাহকের প্রত্যাশা পূরণে অপরিহার্য হয়ে ওঠাই আমাদের লক্ষ্য। আমরা বিশ্বাস করি, সে লক্ষ্য অর্জনে আরআইপিএস একটি উপায়। আমাদের অন্যান্য প্রযুক্তি অফিস এবং পেশাদার গ্রাহকদের জন্য সশ্রমী। আমাদের প্রেসিশন কোর প্রযুক্তির ওপর ভিত্তি করে আমরা বিশ্বাস করি, এপসন অফিস প্রিন্টিংকে লেজার থেকে ইন্কজেট ব্যবস্থায় প্রতিস্থাপনে সক্ষম।' প্রিন্টারটির দাম ২ লাখ ৮২ হাজার টাকা

প্রান্তিক কৃষক নিয়ে কাজ করছে ক্যাটালিস্ট

রাজধানীতে সুইস কন্সাল্ট-ক্যাটালিস্ট 'অ্যাগ্রো ফরোয়ার্ড মার্কেট ভ্যালু চেইন' শীর্ষক এক কর্মশালা করেছে। রাজধানীর গুলশানের হোটেল সিক্স সিজনে এ কর্মশালা অনুষ্ঠিত হয়। কর্মশালার বিষয়বস্তু ছিল 'ফসল সংগ্রহোত্তর ব্যবস্থাপনা কৌশল এবং বাণিজ্য দক্ষতা'। যা নিম্ন আয়ের কৃষকদের উন্নতি করতে সাহায্য করছে। এতে প্রধান অতিথি হিসেবে সমন্বিত খামার ব্যবস্থাপনা কম্পোনেন্টের (আইএফএমসি) প্রকল্প পরিচালক ড. আবু ওয়ালী রাগিব হাসান উপস্থিত ছিলেন। তিনি বলেন, আগামীতে আইএফএমসি প্রশিক্ষণে 'পোস্ট হারভেস্ট ব্যবস্থাপনা কৌশল' অন্তর্ভুক্ত করার পরিকল্পনা করেছে। অন্যান্যের মধ্যে এনরুট ইন্টারন্যাশনাল লিমিটেডের এমডি ও সিইও আবু দাউদ খান বক্তব্য রাখেন। বিশেষ অতিথির বক্তৃতায় বাংলাদেশ শিল্প ও মৎস্য ফাউন্ডেশনের উপদেষ্টা লিয়াকত আলী চৌধুরী বলেন, এ কার্যক্রম (ক্যাটালিস্ট) বাংলাদেশের মাইক্রো এবং ম্যাক্রো উভয় পর্যায়ে অর্থনৈতিক সুবিধা অর্জনে ভূমিকা রেখেছে। এতে বাংলাদেশের অ্যাগ্রো ফরোয়ার্ড মার্কেট ভ্যালু চেইনের বিভিন্ন স্টেকহোল্ডার উপস্থিত ছিলেন

'প্রাইড অব বাংলাদেশ' সম্মাননা পেলেন সোনিয়া বশির কবির

তথ্যপ্রযুক্তি খাতে অবদানের জন্য 'প্রাইড অব বাংলাদেশ' সম্মাননা পেয়েছেন মাইক্রোসফট বাংলাদেশের ব্যবস্থাপনা পরিচালক সোনিয়া বশির কবির। রজতজয়ন্তী উদযাপন উপলক্ষে দেশের তেরি পোশাক ও রফতানিকারক প্রতিষ্ঠান প্রাইড লিমিটেড এ সম্মাননা দেয়। জাতীয় সংসদের স্পিকার শিরীন শারমিন চৌধুরী ও আওয়ামী লীগের যুগ্ম সাধারণ সম্পাদক দীপু মনি সোনিয়া বশির কবিরের হাতে এ সম্মাননা তুলে দেন। সোনিয়া



বশির কবির জাতিসংঘের উদ্যোগে গঠিত টেকনোলজি ব্যাংকের গভর্নিং কাউন্সিলের সদস্য নির্বাচিত হয়েছেন। এছাড়া সফটওয়্যার জায়ান্ট ও বিশ্বখ্যাত প্রযুক্তি নির্মাতা প্রতিষ্ঠান মাইক্রোসফটের সর্বোচ্চ সম্মানজনক পুরস্কার ফাউন্ডারস অ্যাওয়ার্ড পেয়েছেন তিনি। টিআইই বাংলাদেশের প্রতিষ্ঠাতা সভাপতি সোনিয়া বশির কবির বাংলাদেশ ও মেন ইন আইটির সহ-প্রতিষ্ঠাতা ও সহ-সভাপতি হিসেবে দায়িত্ব পালন করছেন। তিনি বাংলাদেশ অ্যাসোসিয়েশন অব সফটওয়্যার অ্যান্ড ইনফরমেশন সার্ভিসেসের (বেসিস) পরিচালক

কৃষি খাতের উন্নয়নে কাজ করবে বেসিস ও ইউএসএইড

বাংলাদেশের কৃষি খাতে তথ্যপ্রযুক্তির ব্যবহার বৃদ্ধি ও সংশ্লিষ্টদের মানোন্নয়নে যৌথভাবে কাজ করবে বাংলাদেশ অ্যাসোসিয়েশন অব সফটওয়্যার অ্যান্ড ইনফরমেশন সার্ভিসেস (বেসিস) ও ইউএসএইড। সম্প্রতি বেসিস সভাকক্ষে উভয় প্রতিষ্ঠানের মধ্যে এক বৈঠকে এমন সিদ্ধান্ত নেয়া হয়। বেসিস সভাপতি মোস্তাফা জব্বারের সভাপতিত্বে বৈঠকে উপস্থিত ছিলেন ইউএসএইড অ্যাগ্রিকালচারাল ভ্যালু চেইনস (এভিসি) প্রকল্পের চিফ অব পার্ট্ট মাইকেল ফিল্ড, আইসিটি মার্কেট স্পেশালিস্ট মাসুদ রানা ও বেসিসের পরিচালক উত্তম কুমার পাল।

বৈঠকে উভয় প্রতিষ্ঠানের পক্ষ থেকে কৃষির জন্য তথ্যপ্রযুক্তি টুলস উদ্ভাবন, কৃষকদের সচেতনতা বৃদ্ধি, গবেষণা ও যারা এই টুলস ব্যবহার করতে চান তাদের সহযোগিতার বিষয়ে

কুলিয়ারচরে বিশ্বের সবচেয়ে বড় ব্যবহারিক বিজ্ঞান ক্লাস অনুষ্ঠিত

গিনেস ওয়ার্ল্ড রেকর্ড বুক বাংলাদেশের নাম অন্তর্ভুক্তির লক্ষ্যে অনুষ্ঠিত হলো বিশ্বের সবচেয়ে বড় বিজ্ঞান ও আইসিটি বিষয়ক ব্যবহারিক ক্লাস। সম্প্রতি কিশোরগঞ্জের কুলিয়ারচর উপজেলা প্রশাসনের আয়োজনে থানা মাঠে ৩ হাজার ২শ'র বেশি শিক্ষার্থী নিয়ে এই ব্যবহারিক ক্লাস অনুষ্ঠিত হয়। ১৩টি প্রাথমিক বিদ্যালয় ও পাঁচটি উচ্চ মাধ্যমিক বিদ্যালয়ের পঞ্চম থেকে সপ্তম শ্রেণীর ছাত্রছাত্রীরা এতে অংশ নেয়। সঠিকভাবে ক্লাস নেয়ার জন্য সেখানে ২১টি এলইউ মনিটর সিস্টেম ব্যবহার করা হয়। এর আগে এ ধরনের বড় বিজ্ঞান ক্লাস হয়েছিল অস্ট্রেলিয়ায়। সেখানে অংশ নিয়েছিল ২ হাজার ৯০০ শিক্ষার্থী। ফলে গিনেস রেকর্ডে স্থান পেতে পারে বাংলাদেশ। সিলেট শাহজালাল বিজ্ঞান ও প্রযুক্তি বিশ্ববিদ্যালয়ের (শাবিপ্রবি) অধ্যাপক ও লেখক ড. মুহম্মদ জাফর ইকবালের নেতৃত্বে ৩০ জন শিক্ষক এই ক্লাস পরিচালনা করেন। এ ছাড়া উপজেলার বিভিন্ন স্কুল-কলেজের বিজ্ঞান ও আইসিটি বিষয়ক ৮০ শিক্ষক তাদের সহায়তা করেন

বসুন্ধরা সিটিতে হুয়াওয়ের নতুন সার্ভিস সেন্টার

রাজধানীর বসুন্ধরা সিটি শপিং কমপ্লেক্সের লেভেল তিনের ব্লক বিতে নতুন সার্ভিস সেন্টার উদ্বোধন করেছে হুয়াওয়ে। বসুন্ধরা সিটি শপিং কমপ্লেক্সের সেবাকেন্দ্র উদ্বোধনের সময় উপস্থিত ছিলেন হুয়াওয়ে টেকনোলজিস (বাংলাদেশ) লিমিটেডের ডিভাইস বিজনেসের ডিরেক্টর ইংমার ওয়্যাংসহ প্রতিষ্ঠানটির উর্ধ্বতন কর্মকর্তারা।



নতুন সেবাকেন্দ্রের উদ্বোধনকালে ইংমার ওয়্যাং বলেন, রাজধানীর গুরুত্বপূর্ণ একটি শপিং সেন্টারে গ্রাহক সুবিধাসম্পন্ন নতুন সেবাকেন্দ্রের উদ্বোধন করতে পেরে আমরা অত্যন্ত আনন্দিত। বাংলাদেশের বাজারের প্রতি আমাদের প্রতিশ্রুতি পূরণে আমরা অতি শিগগিরই দেশজুড়ে আরও সেবাকেন্দ্র স্থাপন করা হবে। গ্রাহকদের আরও কার্যকর উপায়ে সেবাদানের লক্ষ্যে একটি হটলাইন নম্বর (০৯৬১০ ৭৭৭ ৭৭৭) চালু করেছে প্রতিষ্ঠানটি

যৌথভাবে কাজ করার কথা জানানো হয়। এ বিষয়ে শিগগিরই বেসিস ও ইউএসএইডের মধ্যে সমঝোতা স্মারক স্বাক্ষর হবে বলে বৈঠকে জানানো হয়। ২০১৮ সালের জুনের মধ্যে প্রকল্পটি বাস্তবায়ন করা হবে

এক মাদারবোর্ডে ২ উপহার

নতুন বছরে এমএসআই ব্র্যান্ডের নির্দিষ্ট একটি গেমিং মাদারবোর্ডের সাথে একটি গেমিং মাউস ও একটি মগ উপহার দিচ্ছে কমপিউটার সোর্স। স্টক থাকা পর্যন্ত দেশের যেকোনো প্রযুক্তি বাজার থেকে এই সুবিধা মিলবে বলে এক বিজ্ঞপ্তিতে জানিয়েছে প্রতিষ্ঠানটি। মাদারবোর্ডটির বিষয়ে জানানো হয়েছে, ফ্রেইট সিরিজের জেড১৭০এ মডেলের ষষ্ঠ প্রজন্মের স্টিলসিরিজ সার্টফায়েড এমএসআই মাদারবোর্ডটি সর্বশেষ প্রযুক্তির ডিডিআর৪ মেমরি



সমর্থন করে। এতে আছে ১১৫১ সকেট, যাতে ইন্টেল কোর, পেন্টিয়াম এমনিকি সেলেরন প্রসেসরও ব্যবহার করা যায় নির্দিধায়। দ্বিতীয় প্রজন্মের ইউএসবি ৩.১ পোর্টটি সংযুক্ত ডিভাইসের পারফরম্যান্স দ্বিগুণ করেছে মিলেটারি ক্লাস ৫ ঘরানার টাইটেনিয়াম চকসমৃদ্ধ 'ক্লিক বায়স ৫' জয়ী মাদারবোর্ডটিতে। অনভিপ্রত যান্ত্রিক ক্রটি সমাধানের পথ বাতলে দিতে মাদারবোর্ডটিতে রয়েছে ই-জড ডিবাগ এলইডি বাতি। ই-স্পোর্টস খেলোয়াড়দের কাছে আরাধ্য এই মাদারবোর্ডটির দাম ১৬ হাজার টাকা।

নতুন রূপে লিঙ্কডইন

পেশাজীবীদের জন্য সামাজিক যোগাযোগের ওয়েবসাইট হিসেবে পরিচিত লিঙ্কডইনের নকশায় বড় ধরনের পরিবর্তন এসেছে। ১৯ জানুয়ারি নতুন নকশায় ওয়েবসাইটটি উন্মুক্ত করেছে লিঙ্কডইন। গত ১৫ বছরের মধ্যেই সাইটটিতে



এটাই সবচেয়ে বড় ধরনের পরিবর্তন। এর ফলে সাইটটিতে নতুন নেভিগেশন সিস্টেম যুক্ত হয়েছে এবং এটি আগের চেয়ে আরও দ্রুতগতিসম্পন্ন হয়েছে। নতুন সাইটটিতে ব্যবহারকারীদের মধ্যে আলাপচারিতার বিষয়টি ও কনটেন্টকে বেশি গুরুত্ব দেয়া হয়েছে। নতুন সাইট সম্পর্কে লিঙ্কডইনের প্রকৌশল বিভাগের পরিচালক ক্রিস ফ্রেয়েট বলেন, লিঙ্কডইনে বৃহত্তম ইতিবাচক পরিবর্তন বলতে বোঝায় এর অনায়াস ব্যবহার ও এটি দিয়ে কী করা হয় তার পরিষ্কার ধারণা। এর ডেস্কটপ ডিজাইনটিকেও গুরুত্ব দেয়া হয়েছে। এর সার্চ বার, নেভিগেশন ও নোটিফিকেশন আরও সহজ করা হয়েছে।

এপসনের নতুন মডেলের প্রিন্টার

সম্প্রতি ঢাকার একটি হোটেলে 'এপসন ডব্লিউএফআর ৮৫৯১' মডেলের এবং এপসন এম সিরিজের প্রিন্টারের বিক্রয় কার্যক্রম উদ্বোধন উপলক্ষে আয়োজিত এক সংবাদ সম্মেলনে প্রিন্টারগুলোর নানা দিক তুলে ধরেন এপসন ইন্ডিয়ার বিক্রয় ও বিপণন বিভাগের ভাইস প্রেসিডেন্ট সাম্মা মুরতি। এপসন ইন্ডিয়ার ইক্সিকিউটিভ পণ্যের সিনিয়র উপ-মহাব্যবস্থাপক শিবা কুমার কে এবং বাংলাদেশ জোনাল হেড তনুয় চক্রবর্তী এ সময় উপস্থিত ছিলেন।



সংবাদ সম্মেলনে এপসন ডব্লিউএফআর ৮৫৯১ প্রিন্টার সম্পর্কে জানানো হয়, কার্টিজ পরিবর্তন ছাড়াই একটি অফিসের এক মাসে প্রিন্ট চাহিদা পূরণ করতে পারে এই প্রিন্টার। প্রিন্টারের ক্যাসেটে একসাথে ১ হাজার ৮৩১টি কাগজের শিট রাখা যাবে। ইন্টারনেট ও ওয়াইফাই সংযোগ করেও এ থেকে প্রিন্ট নেয়া সম্ভব। সাম্মা মুরতি বলেন, এই প্রিন্টারে সাদা-কালো প্রিন্টিংয়ে খরচ পড়বে প্রতি পৃষ্ঠার জন্য ৩০ থেকে ৪০ পয়সা, আর রঙিনের জন্য ৮০ পয়সা। অন্য প্রিন্টারে যেখানে বিদ্যুৎ খরচ ১ দশমিক ৫ কিলোওয়াট, এ প্রিন্টারে খরচ হবে দশমিক শূন্য ৪ কিলোওয়াট। এপসন ডব্লিউএফআর ৮৫৯১ প্রিন্টারটি দাম ২ লাখ ৮২ হাজার টাকা।



লেনোভোর গ্রোথ পার্টনার অ্যাওয়ার্ড পেল গ্লোবাল ব্র্যান্ড

সম্প্রতি ভারতের বেঙ্গালুরুতে আয়োজিত এক অনুষ্ঠানে লেনোভো গ্রোথ পার্টনার অ্যাওয়ার্ড পেল বাংলাদেশে লেনোভোর অন্যতম ডিস্ট্রিবিউটর গ্লোবাল ব্র্যান্ড প্রাইভেট লিমিটেড। এ সময় লেনোভোর উর্ধ্বতন কর্মকর্তাদের হাত থেকে এই পুরস্কার গ্রহণ করেন গ্লোবাল ব্র্যান্ডের



চেয়ারম্যান আবদুল ফাভাহ এবং ডিরেক্টর জসিম উদ্দিন খন্দকার। এ সময় উপস্থিত ছিলেন পরিচালক রাজেশ খারানি, মহাব্যবস্থাপক নিরাজ পাঞ্চুয়েলি, রিজিওনাল সেলস ম্যানেজার শেখর কর্মকার, সেলস ম্যানেজার রাশেদ কবির এবং গ্লোবাল ব্র্যান্ডের ডিজিএম (লেনোভো) হাসান রিয়াজ। মূলত লেনোভোর মার্কেট বাড়াতে অনবদ্য ভূমিকা রাখার জন্যই এই অ্যাওয়ার্ড অর্জন করেছে গ্লোবাল ব্র্যান্ড। উল্লেখ্য, ২০১৩ সাল থেকে লেনোভোর পণ্য বাজারজাত করে আসছে গ্লোবাল ব্র্যান্ড।

অনলাইন পুলিশ ক্লিয়ারেন্স সেবার উদ্বোধন

প্রতিদিন ৩০ লাখ লোক (ভিজিটর) নানা ধরনের তথ্য জানতে জাতীয় তথ্য বাতায়নে প্রবেশ করে বলে জানিয়েছেন স্বরাষ্ট্রমন্ত্রী আসাদুজ্জামান খান কামাল। তিনি বলেন, আমরা যে উন্নত বিশ্বের দিকে এগিয়ে যাচ্ছি, এটি তার বড় উদাহরণ। প্রধানমন্ত্রী শেখ হাসিনা যে ডিজিটাল বাংলাদেশের স্বপ্ন দেখেছিলেন, তা আজ সার্থক হয়েছে। সম্প্রতি রাজারবাগ পুলিশ লাইন্স



অডিটোরিয়ামে অনলাইন পুলিশ ক্লিয়ারেন্স সেবার উদ্বোধনকালে তিনি এসব কথা বলেন। উল্লেখ্য, প্রধানমন্ত্রীর কার্যালয়ের অ্যাগ্রেন্স টু ইনফরমেশন (এটুআই) প্রোগ্রাম ও বাংলাদেশ পুলিশের যৌথ আয়োজনে এই নাগরিক সেবার উদ্বোধন করা হয়। এখন থেকে pcc.police.gov.bd এই ঠিকানায় ক্লিক করে অনলাইন পুলিশ ক্লিয়ারেন্স সেবা পাওয়া যাবে।

গ্লোবাল ব্র্যান্ডের আয়োজনে ব্রাদার কর্পোরেট সেমিনার অনুষ্ঠিত

সম্প্রতি গ্লোবাল ব্র্যান্ডের আয়োজনে গুলশানের একটি রেস্টুরেন্টে অনুষ্ঠিত হয় 'ব্রাদার কর্পোরেট সেমিনার ২০১৭'। অনুষ্ঠানে ব্রাদার প্রিন্টারের ওপর একটি পাওয়ার পয়েন্ট প্রেজেন্টেশন দেখান ব্রাদার গালফের জেনারেল ম্যানেজার অমিত আলী এবং লেবেলিং, কমার্শিয়াল প্রিন্টার ও স্ক্যানারের ওপর আরেকটি গুরুত্বপূর্ণ প্রেজেন্টেশন দেখান ভাবিক মাতানি। প্রেজেন্টেশন শেষে অনুষ্ঠিত হয় র‍্যাফেল ড্র এবং পাঁচজন ভাগ্যবান অতিথি উপহার হিসেবে জিতে নেন পাঁচটি



আকর্ষণীয় প্রিন্টার। শেষে গ্লোবাল ব্র্যান্ডের পক্ষ থেকে চেয়ারম্যান আবদুল ফাত্তাহ তার সমাপনী বক্তব্য দেন। উক্ত অনুষ্ঠানে উপস্থিত ছিলেন গ্লোবাল ব্র্যান্ডের ম্যানেজিং ডিরেক্টর রফিকুল আনোয়ার, ডিরেক্টর জসিম উদ্দিন খন্দকার এবং প্রোডাক্ট ম্যানেজার গোলাম সরওয়ারসহ গণ্যমান্য ব্যক্তি।

টিম ব্র্যান্ডের ডেল্টা সিরিজের র‍্যাম

ইউসিসি সম্প্রতি বাজারজাত করেছে টিম ব্র্যান্ডের ডেল্টা সিরিজের র‍্যাম। এই র‍্যামগুলো ডুয়াল কিট (২ বাই ৪ জিবি) = ৮ জিবি এবং (২ বাই ৮ জিবি) = ১৬ জিবি আকারে বাজারে পাওয়া যাবে। ডিডিআর৪ এই র‍্যামটি ৩০০০-২৮০০ বাস পর্যন্ত সাপোর্ট করবে। র‍্যামগুলো ইউনিক ও সেফটি ডিজাইনের নিউ অ্যালুমিনিয়াম দিয়ে আবৃত, যা শক রোধ করে। র‍্যামটির ওয়ার্কিং ভোল্টেজ ১.৩৫ ও ক্যাপা লিটেসি ১৬-১৬-১৬-৩৬। যোগাযোগ : ০১৮৩৩৩৩১৬০১



এইচপি প্রোবুক ৪৪০ জি৪ নোটবুক

স্মার্ট টেকনোলজিস দেশে এনেছে এইচপির ৪৪০ জি৪ মডেলের নোটবুক পিসি। এতে রয়েছে ইন্টেলের সপ্তম প্রজন্মের ২.৪ গিগাহার্টজের কোরআই৩ প্রসেসর, ৪ গিগাবাইট ডিডিআর৪ র‍্যাম ও ১ টেরাবাইট হার্ডডিস্ক। তাছাড়া ১৪.১ ইঞ্চি এইচডি এলইডি ডিসপ্লে এই নোটবুকটিতে তথ্যের সুরক্ষার জন্য রয়েছে ফিঙ্গারপ্রিন্ট রিডার। যোগাযোগ : ০১৭৩০৩১৭৭২১



বেসিস সফটএক্সপোতে কমপিউটার সোর্স ইনফোটেক

ব্যবসায় কার্যক্রমে তথ্যপ্রযুক্তির নান্দনিক ছোঁয়ায় চারটি বিশেষায়িত সফটওয়্যার ও নানামাত্রিক সেবা নিয়ে ১-৪ ফেব্রুয়ারি বঙ্গবন্ধু আন্তর্জাতিক সম্মেলন কেন্দ্রে বেসিস সফটএক্সপোতে অংশ নেয় আন্তর্জাতিক মানের দেশজ প্রযুক্তি সেবাদাতা প্রতিষ্ঠান কমপিউটার সোর্স ইনফোটেক। মেলা প্রাঙ্গণে হারমনি হলের ৩৩ নম্বর স্টলে গিয়ে দর্শনার্থীরা ইনফোটেকের কাস্টমাইজড এবং অব দ্য শেলফ এন্টারপ্রাইজ অ্যাপ্লিকেশন, সিএমএস, মোবাইল এবং সাপোর্ট সার্ভিসের সাথে পরিচিত হন। এখানে সফটওয়্যারের মাধ্যমে বিক্রয়-বিপণন ব্যবস্থাপনা, অর্থায়ন, অভ্যন্তরীণ ও আন্তর্জাতিক ক্রয়-বিক্রয় এবং মান নিয়ন্ত্রণসহ উৎপাদক প্রতিষ্ঠানের সুপারিসর কার্যক্রম কীভাবে নিরাপদে ও দ্রুততার সাথে সম্পাদিত হচ্ছে এসব প্রদর্শিত হয়। উপস্থাপন করা হয় মার্চেন্ট ব্যাংকের পোর্টফলিও ব্যবস্থাপনার অ্যাডভান্স পর্যায়ের প্রায়ুক্তিক রূপান্তরের আদ্যোপান্ত ছাড়াও ঋণ প্রবর্তনের (লোন অরিজিনেশন) সমন্বিত সমাধান। এর বাইরে এখান থেকে ওরাকল, ফিনাকল, নিউজেন, নিউক্লিয়াস, মোবাইল সেলস ফোর্স অটোমেশন সফটওয়্যার এবং এইচপি এন্টারপ্রাইজ সিকিউরিটি পণ্যের সাথে দর্শনার্থীরা পরিচিত হন।

ডি-লিঙ্ক ব্র্যান্ডের পণ্য



ইউসিসি বাজারজাত করেছে ডি-লিঙ্ক ব্র্যান্ডের সুইচ, মডেম, রাউটার ও অ্যাডাপ্টার। এই রাউটারগুলোর উল্লেখযোগ্য বৈশিষ্ট্য হিসেবে তিন বছরের ওয়ারেন্টি সেবা পাওয়া যাবে। রাউটারের মডেলগুলো হলো ডিআইআর-৬০০এম, ডিআইআর-৬১৫, ডিআইআর-৮১৬, ডিআইআর-৮৪২ এবং ডিআইআর-৮৯০এল। এছাড়া মডেম, অ্যাডাপ্টার ও সুইচে পাওয়া যাবে এক বছরের ওয়ারেন্টি সেবা। যোগাযোগ : ০১৮৩৩৩৩১৬০১

হুয়াওয়ে ব্র্যান্ডের পাওয়ার ব্যাংক



দেশের বাজারে হুয়াওয়ে ব্র্যান্ডের পাওয়ার ব্যাংক বাজারজাত করেছে ইউসিসি। অন্যর এপি০০৭ মডেলের এই পাওয়ার ব্যাংকটিতে আছে ১৩ হাজার মিলিঅ্যাম্পিয়ার ক্ষমতা, আপনার একটি ট্যাবলেট ডিভাইসকে সম্পূর্ণরূপে চার্জ দেয়া সম্ভব অথবা আপনার স্মার্টফোনটিকে দুই বা ততোধিক ফুল চার্জ দেয়া সম্ভব। এতে রয়েছে দুটি ইউএসবি প্লট, যা দিয়ে দুটি ভিন্ন ডিভাইসকে একই সময় চার্জ দেয়া সম্ভব। এর ৫ভি২এ আউটপুট সিস্টেম চার্জিং প্রসেসকে করবে গতিময়। যোগাযোগ : ০১৮৩৩৩৩১৬০১

এইচপি ৩৪৮ জি৪ মডেলের নতুন ল্যাপটপ



বাজারে আসছে এইচপি ৩৪৮ জি৪ মডেলের নতুন ল্যাপটপ। ইন্টেল সপ্তম জেনারেশনের কোরআই৭ প্রসেসরসম্পন্ন এই ল্যাপটপে রয়েছে ৪ জিবি ডিডিআর৪ র‍্যাম, ২ জিবি গ্রাফিক্স কার্ড, ১ টেরাবাইট হার্ডড্রাইভ, ১৪.১ ইঞ্চি ডিসপ্লে, ডিভিডি রাইটার, ব্লুটুথ ও ওয়াইফাই সুবিধা। প্রায় একই ধরনের ফিচার নিয়ে কোরআই৫ ও কোরআই৩ ল্যাপটপও খুব শিগগির বাজারে পাওয়া যাবে। ল্যাপটপগুলো বাজারে আনছে স্মার্ট টেকনোলজিস। যোগাযোগ : ০১৭৩০৩১৭৭২১

সদস্যদের জন্য বিশেষ সেবা কার্ড চালু করবে বেসিস

বাংলাদেশ অ্যাসোসিয়েশন অব সফটওয়্যার অ্যান্ড ইনফরমেশন সার্ভিসেস (বেসিস) তার সদস্যদের জন্য বিশেষ সেবা কার্ড চালু করতে যাচ্ছে। এই কার্ডের মাধ্যমে বিভিন্ন হোটেল, রেস্টুরেন্ট, হাসপাতাল, বিমানবন্দরসহ প্রয়োজনীয় ক্ষেত্রে বিশেষ ছাড় পাবেন সদস্যরা। এই কার্ড চালুর অংশ হিসেবে ইউনাইটেড হাসপাতাল ও গ্লোবাল এয়ারপোর্ট অ্যাসিস্টিং সার্ভিসেসের সাথে আলাদা চুক্তি স্বাক্ষর করেছে বেসিস। সম্প্রতি বেসিস সভাকক্ষে বেসিস সভাপতি মোস্তাফা জব্বারের উপস্থিতিতে বেসিসের পক্ষ থেকে চুক্তিতে স্বাক্ষর করেন প্রতিষ্ঠানটির সদস্য কল্যাণ সম্পর্কিত স্থায়ী কমিটির চেয়ারম্যান দেলোয়ার হোসেন ফারুক। ইউনাইটেড হাসপাতাল লিমিটেডের কমিউনিকেশন ও বিজনেস ডেভেলপমেন্ট বিভাগের প্রধান ড. শাওফা আনোয়ার এবং গ্লোবাল এয়ারপোর্ট অ্যাসিস্টিং সার্ভিসেসের প্রধান নির্বাহী কর্মকর্তা খন্দকার ফারহান আতিফ নিজ নিজ প্রতিষ্ঠানের পক্ষে চুক্তিতে স্বাক্ষর করেন।

সবচেয়ে বিপজ্জনক ২৫ পাসওয়ার্ড

মনে রাখার তাগিদে আমরা প্রায়ই সহজ কিছু পাসওয়ার্ড ব্যবহার করে থাকি। এসব পাসওয়ার্ড খুব সহজেই হ্যাকারদের ফাঁদে পড়ে। এমন ২৫টি পাসওয়ার্ডের তালিকা প্রকাশ করেছে অ্যান্টিভাইরাস নির্মাতা প্রতিষ্ঠান অ্যাভিরা। আপনার সাইবার নিরাপত্তার জন্য সেসব পাসওয়ার্ড তুলে ধরা হল- 123456 (Unchanged), password (Unchanged), 12345 (+2), 12345678 (-1), football (+2), qwerty (-2), 1234567890 (+5), 1234567 (+1), princess (+12), 1234 (-2), login (+9), welcome (-1), solo (+10), abc123 (-1), admin (New), 121212 (New), flower (New), passw0rd (+6), dragon (-3), sunshine (New), master (-4), hottie (New), loveme (New), zaq1zaq1 (New), password1 (New)

সিইউ ব্র্যান্ডের নেটওয়ার্ক লেবেল প্রিন্টার



গ্লোবাল ব্র্যান্ড বাজারে এনেছে সিইউ ব্র্যান্ডের এলকে-বি২৪ মডেলের নতুন নেটওয়ার্ক লেবেল প্রিন্টার। এটি ডিরেক্ট থার্মাল ও ট্রান্সফার থার্মাল দুই প্রযুক্তিতেই প্রিন্ট করতে পারে। এই প্রিন্টারটি

২০ থেকে ১১৪ মিমি প্রশস্ত পেপার প্রিন্ট করতে পারে। শুধু তাই নয়, এই প্রিন্টারের পেপার এবং রিবন রিপ্লেস করা অত্যন্ত সহজ। প্রাইজ ট্যাগ, রিটেইল শপ, রফতানি লেবেল, বিমানবন্দর লাগেজ ট্যাগ, কেবিন ট্যাগ, হাসপাতাল, গুদামঘর, বিভিন্ন ফ্যাক্টরি ও ফার্মাসিউটিক্যাল কোম্পানিতে এ প্রিন্টারের ব্যবহার অতুলনীয়। যোগাযোগ : ০১৯৭৭৪৭৬৪৩০

গিগাবাইট গেমিং ৪জি গ্রাফিক্স কার্ড



স্মার্ট টেকনোলজিস বাজারে এনেছে গিগাবাইট ব্র্যান্ডের জিফোর্স জিটিএক্স ১০৫০ টিআই জিআই গেমিং ৪জি মডেলের নতুন গ্রাফিক্স কার্ড।

জিডিডিআর৫ প্রযুক্তির এই গ্রাফিক্স কার্ডে রয়েছে ১২৮ বিট মেমরি বাস, ডিরেক্ট এক্স ১২, ৬ পিন পাওয়ার কানেকশন সুবিধাসহ অনেক ফিচার। গ্রাফিক্স কার্ডটি ২ জিবি ও ৪ জিবি ক্যাপাসিটিতে পাওয়া যাচ্ছে। যোগাযোগ : ০১৭৩০৩১৭৭৬৮

আসুস ১০৫০টিআই গ্রাফিক্স কার্ড বাজারে

গ্লোবাল ব্র্যান্ড বাজারে এনেছে এনভিডিয়ার জিটিএক্স-১০ সিরিজের গ্রাফিক্স কার্ড ইএক্স-জিটিএক্স১০৫০টিআই-৩৪জি। এই কার্ডটিতে একটি ডিডিআই, একটি এইচডিএমআই এবং একটি ডিসপ্লে পোর্ট রয়েছে। এর মেমরি ইন্টারফেস ১২৮ বিট, মেমরি ব্লক ৭০০৮



মেগাহার্টজের কুডা কোর ৭৬৮। এতে নতুন প্রযুক্তির ফ্যান ব্যবহার করা হয়েছে, যা আগের তুলনায় দ্বিগুণ টেকসই এবং

সহজে গরম হয় না। দাম ১৭,৫০০ টাকা এবং সাথে দুই বছরের রিপ্লেসমেন্ট ওয়ারেন্টি। যোগাযোগ : ০১৭১৩২৫৭৯৩৮

প্রিন্স ২ ফাউন্ডেশন ট্রেনিং ও এক্সামে ভর্তি

আইবিসিএস-গ্রাইমেক্স এক্সপার্ট ও অভিজ্ঞ প্রশিক্ষকের অধীনে প্রিন্স ২ ফাউন্ডেশন অ্যান্ড প্র্যাকটিশনার ট্রেনিং ও এক্সাম অনুষ্ঠিত হতে যাচ্ছে। চলতি মাসে দ্বিতীয় ব্যাচটি অনুষ্ঠিত হবে। যোগাযোগ : ০১৭১৩৩৯৭৫৬৭

ওয়েস্টার্ন ডিজিটালের পার্টনার মিট অনুষ্ঠিত

সম্প্রতি চট্টগ্রাম ও বগুড়ায় অনুষ্ঠিত হয় ওয়েস্টার্ন ডিজিটাল পার্টনার মিট ২০১৭। গত ১৫ জানুয়ারি চট্টগ্রামের একটি হোটেলে স্মার্ট টেকনোলজিস চট্টগ্রাম শাখার উদ্যোগে ওয়েস্টার্ন ডিজিটালের পার্টনার মিট আয়োজন করা হয়। অনুষ্ঠানে উপস্থিত ছিলেন স্মার্ট টেকনোলজিসের পরিচালক জাফর আহমেদ,



ওয়েস্টার্ন ডিজিটালের জ্যেষ্ঠ ব্যবস্থাপক অসীম কুমার বসু এবং স্মার্টের ওয়েস্টার্ন ডিজিটাল পণ্য ব্যবস্থাপক মো: মাহবুবুর রহমানসহ চট্টগ্রামের কমপিউটার ব্যবসায়ীরা। একইভাবে ১৭ জানুয়ারি বগুড়ার কমপিউটার ব্যবসায়ীদের নিয়ে বগুড়া পর্ব অনুষ্ঠিত হয়

আইভোমি ব্র্যান্ডের স্পিকার

দেশের বাজারে আইভোমি ব্র্যান্ডের স্পিকার বাজারজাত করছে ইউসিসি। এগুলো হলো আইভিও-২৪৫, আইভিও-২৫৮, আইভিও-১৬৩০-ইউ, আইভিও-১৬১০ইউ এবং আইভিও-১৬০০এস। প্রথম মডেল তিনটির বৈশিষ্ট্য হলো এলইডি ডিসপ্লে, রিমোট কন্ট্রোল এবং ইউএসবি/এসডি স্লট ও এফএম ফাউন্ডেশন



সাপোর্টেড। আর শেষ মডেলের স্পিকার দুটি ইউএসবি কার্ড রিডার ও রিমোট কন্ট্রোল সাপোর্টেড। স্পিকারগুলো ২.১ চ্যানেলে পাওয়া যাবে। যোগাযোগ : ০১৮৩৩৩৩১৬০১

এইচপি স্পেক্টর ১৩-ভি১১৪টিইউ নোটবুক

স্মার্ট টেকনোলজিস দেশে এনেছে এইচপির স্পেক্টর ১৩-ভি১১৪টিইউ মডেলের নোটবুক পিসি। এতে রয়েছে ইন্টেলের সপ্তম প্রজন্মের ২.৭ গিগাহার্টজের কোরআই৭ প্রসেসর, ৮ গিগাবাইট ডিডিআর৪ র‍্যাম, ৫১২ গিগাবাইট



এসএসডি, জেনুইন উইন্ডোজ ১০ অপারেটিং সিস্টেম এবং ইন্টেল এইচডি ৬২০ গ্রাফিক্স কার্ড। তাছাড়া ১৩.৩ ইঞ্চি ফুল এইচডি এলইডি ডিসপ্লে এই নোটবুকটিতে রয়েছে কর্নিং গরিলা গ্লাস। এর ওজন মাত্র ১.১১ কিলোগ্রাম। যোগাযোগ : ০১৭৩০৩১৭৭২১

কিউন্যাপ ডুয়াল কন্ট্রোলার স্টোরেজ সার্ভার



গ্লোবাল ব্র্যান্ড বাজারে এনেছে কিউন্যাপ ব্র্যান্ডের প্রথম ডুয়াল কন্ট্রোলার

বেইজড নেটওয়ার্ক এটাচড স্টোরেজ সার্ভার। মূলত এটি একটি হাইপার কনভার্সড এন্টারপ্রাইজ নেটওয়ার্ক স্টোরেজ এবং এর মডেল নম্বর টিডিএস-১৬৪৮৯ইউ। এতে আছে ডুয়াল ইন্টেল জি৩ন ই-৫ প্রসেসর, সাথে ১ টিবি র‍্যাম সম্প্রসারণের সুবিধা। এছাড়া এই স্টোরেজগুলোতে রয়েছে ৪০ জিবিই রেডি নেটওয়ার্ক পোর্ট। মূলত এই স্টোরেজটি ডিজাইন করা হয়েছে বিগ ডাটা কমপিউটিং ও বিভিন্ন ধরনের মিশনে ক্রিটিক্যাল টাস্ক সম্পন্ন করার জন্য। এতে এন্টারপ্রাইজ নেটওয়ার্ক স্টোরেজ ফিচারসের সাথে আছে ১২ জিপি/এস স্যাস ড্রাইভার্স এবং ৪০ জিবিই সমন্বিত নেটওয়ার্ক পোর্ট। পাঁচ বছরের ওয়ারেন্টিসহ এই স্টোরেজ সার্ভারটি পাওয়া যাচ্ছে গ্লোবাল ব্র্যান্ডের প্রধান শাখায়। যোগাযোগ : ০১৯৬৯৬৩৩০৭২

ডেল ইন্সপায়রন ৫৫৬৭ ল্যাপটপ



স্মার্ট টেকনোলজিস দেশে এনেছে কমপিউটার ও এর যন্ত্রাংশ নির্মাতা মার্কিন প্রতিষ্ঠান ডেলের

ইন্সপায়রন ৫৫৬৭ মডেলের ল্যাপটপ। এতে রয়েছে ১৫.৬ ইঞ্চি এইচডি এলইডি ব্যাকলিট ডিসপ্লে, ২.৪ গিগাহার্টজের সপ্তম প্রজন্মের ইন্টেল কোরআই৭ প্রসেসর, ৮ গিগাবাইট র‍্যাম এবং ১ টেরাবাইট হার্ডডিস্ক। ল্যাপটপটির সাথে বহন করার জন্য একটি ব্যাগ পাওয়া যাবে। যোগাযোগ : ০১৭৭৭৭৩৪১১৪

পাওয়ার প্যাক ইএ৯০০ অনলাইন ইউপিএস



পাওয়ার প্যাক ব্র্যান্ডের ইএ৯০০ মডেলের অনলাইন ইউপিএস বাজারে এনেছে স্মার্ট টেকনোলজিস। ১ থেকে ১০০ কিলোভোল্ট পর্যন্ত ক্যাপাসিটিতে এটি বাজারে পাওয়া যাচ্ছে। এতে

রয়েছে অ্যাডভান্সড ব্যাটারি ম্যানেজমেন্ট, ইউপিএস বন্ধ থাকা অবস্থায় চার্জিং ব্যবস্থা, শর্টসার্কিট ও ওভারলোড প্রটেকশনের ব্যবস্থা। এই ইউপিএসটিতে বন্ধ ও পুনরায় চালু করার জন্য শিডিউল দেয়ার ব্যবস্থা রয়েছে। এর এলইডি ডিসপ্লেতে ব্যাটারি ও ব্যাটারি মোড, ব্যাকআপ টাইম, ফ্রিকোয়েন্সি ইত্যাদি দেখা যাবে। যোগাযোগ : ০১৭৩০৩৫৪৮১৬

দেশে আসুস স্টোরেজ সার্ভার



গ্লোবাল ব্র্যান্ড এনেছে আসুসের পরিপূর্ণ স্টোরেজ সার্ভার। দেশে প্রথমবারের মতো আনা হয়েছে তাইওয়ানভিত্তিক এই সার্ভারটি।

মূলত এটি একটি র‍্যাক সার্ভার এবং এর মডেল নাম্বার আরএস৭২০-ই৪-আরএস২৪-ইসিপি। এই সার্ভারগুলোতে রয়েছে ডুয়াল সিপিইউ, ১০ কোর প্রসেসর এবং ২৫ এমবি ক্যাশ। এছাড়া রয়েছে ১+১ রিডানডেন্ট ৮০০ ওয়াট ৮০ প্লাস প্লাটিনাম পাওয়ার সাপ্লাই। রয়েছে ২ জিবি ক্যাশ মেমরিসহ রেড কার্ড। যোগাযোগ : ০১৯৭৪৬৫৩৫

এমএসআই জিফোর্স জিটিএক্স গ্রাফিক্স কার্ড



ইউসিসি সম্প্রতি বাজারজাত করছে এমএসআই ব্র্যান্ডের নতুন গেমিং এক্স সিরিজের গ্রাফিক্স কার্ড জিটিএক্স ১০৮০, ১০৭০ ও ১০৬০। এই সিরিজের

নতুন টরএক্স ২.০ ফ্যান আকারে ছোট ও মজবুত, যা শব্দহীন। ১০৮০-এর ৮জি সংস্করণ, যা জিডিডিআর৫এক্স এবং ১০৭০-এর ৮জি সংস্করণ, যা জিডিডিআর৫ এবং ১০৬০-এর ৬জি সংস্করণ, যা জিডিডিআর৫ মেমরিতে প্রস্তুত এবং যেটা পরবর্তী প্রজন্মের ক্রমবর্ধমান চাহিদা পূরণের জন্য হাই ডেফিনিশন কন্ট্রোল দিয়ে সজ্জিত। ২-ওয়ে এসএলআই সাপোর্টেড এই কার্ডগুলো সর্বোচ্চ চারটি ডিসপ্লে আউটপুট হিসেবে পাওয়া যাবে। যোগাযোগ : ০১৮৩৩৩৩১৬০১

রেডহ্যাট ওপেনস্ট্যাক অ্যাডমিনিস্ট্রেশন কোর্সে ভর্তি

আইবিসিএস-প্রাইমেরে রেডহ্যাট লিনআক্সের ওপেনস্ট্যাক অ্যাডমিনিস্ট্রেশন কোর্সে ভর্তি চলছে। ৩২ ঘণ্টার কোর্সে অভিজ্ঞ প্রশিক্ষক দিয়ে প্রশিক্ষণ দেয়া হবে। কোর্স শেষে রেডহ্যাট কর্তৃক সার্টিফিকেট দেয়া হবে। যোগাযোগ : ০১৭১৩৩৯৫৬৭-৮

আসুসের ২০০ সিরিজের সপ্তম প্রজন্মের মাদারবোর্ড

আসুস বাংলাদেশের একমাত্র পরিবেশক গ্লোবাল ব্র্যান্ড বাজারে এনেছে ২০০ সিরিজের সপ্তম প্রজন্মের আসুস মাদারবোর্ড। এই নতুন



বোর্ডগুলো ইন্টেলের সর্বাধুনিক সপ্তম প্রজন্মের ক্যাবিলেক প্রসেসর সাপোর্ট করে। দাম নির্ধারণ করা হয়েছে ৭,৮০০ থেকে ৩৭,০০০ টাকা পর্যন্ত। সাথে থাকছে তিন বছরের রিপ্রেসমেন্ট ওয়ারেন্টি। যোগাযোগ : ০১৭১৩২৫৭৯৩৮

ডেল ইন্সপায়রন ৩১৬২ ল্যাপটপ



স্মার্ট টেকনোলজিস দেশে এনেছে ডেল ব্র্যান্ডের ইন্সপায়রন ৩১৬২ মডেলের ল্যাপটপ। এতে

রয়েছে ১১.৬ ইঞ্চি এইচডি এলইডি ডিসপ্লে, ১.৬ গিগাহার্টজের ইন্টেল কোয়াড কোর প্রসেসর, ৪ গিগাবাইট র‍্যাম এবং ৫০০ গিগাবাইট হার্ডডিস্ক। ১.১৬ কেজি ওজনের এই ল্যাপটপটির সাথে ডেলের একটি স্লিভ কেস পাওয়া যাবে। দুই বছরের বিক্রয়গারান্টি সেবাসহ দাম ২৬ হাজার ৫০০ টাকা। যোগাযোগ : ০১৭৩০৩১৭৭৩২

এমএসআই জেড ১৭০ গেমিং এম৫ মাদারবোর্ড



ইউসিসি বাজারজাত করছে এমএসআইয়ের নতুন জেড ১৭০ গেমিং এম৫ মাদারবোর্ড। বেস্ট ইন ক্লাস ও ফিচার সংবলিত এই গেমিং

মাদারবোর্ডটি ইন্টেল এলজিএ ১১৫১ সকেট ও ৪৪ ও সপ্তম প্রজন্মের ব্যবহার উপযোগী। র‍্যামের চারটি স্লটের মাধ্যমে এই মাদারবোর্ডটিতে সর্বোচ্চ ৬৪ জিবি ডিডিআর৪ র‍্যাম ব্যবহার করা যাবে এবং যাতে সর্বোচ্চ ৪১৩৩+ বাস পর্যন্ত সাপোর্ট দেবে। এতে রয়েছে অডিও বুস্ট ৪ প্রো, এসএলআই এবং ক্রসফায়ারের মতো আকর্ষণীয় সব ফিচার। যোগাযোগ : ০১৮৩৩৩৩১৬০১

ভিউসনিক ব্র্যান্ডের প্রজেক্টর



ইউসিসি বাজারজাত করছে বিশ্বখ্যাত ভিউসনিক ব্র্যান্ডের প্রজেক্টর। বর্তমানে তিনটি সিরিজের সর্বমোট

৮টি মডেলের প্রজেক্টর বাজারে সরবরাহ করছে ইউসিসি। তিনটি সিরিজের মধ্যে পিজিডি সিরিজের প্রজেক্টরগুলো ৮০০ বাই ৬০০ থেকে ১৯২০ বাই ১০৮০ রেজুলেশন এবং ৩২০০ লুমেন্সবিশিষ্ট। প্রো সিরিজের প্রজেক্টরগুলো ১০২৪ বাই ৭৬৮ রেজুলেশন এবং ৫২০০ লুমেন্সবিশিষ্ট। এলএস সিরিজের প্রজেক্টরগুলো ১৯২০ বাই ১০৮০ রেজুলেশন এবং ৩৫০০ থেকে ৪৫০০ লুমেন্সবিশিষ্ট। যোগাযোগ : ০১৮৩৩৩৩১৬০১

ফুল এইচডি ডিসপ্লে লেনোভো ল্যাপটপ



গ্লোবাল ব্র্যান্ড দেশে প্রথমবারের মতো এনেছে ফুল এইচডি ডিসপ্লে সপ্তম প্রজন্মের প্রসেসর সমৃদ্ধ লেনোভো

আইডিয়ামপ্যাড ৩১০ ল্যাপটপ। ১৯২০ বাই ১০৮০পি রেজুলেশনের এই ল্যাপটপগুলোতে প্রাপকত ভিজুয়াল ইফেক্ট পাওয়া যায়। এটি কোরআই৩, কোরআই৫ এবং কোরআই৭ প্রসেসর দিয়ে বাজারে পাওয়া যাচ্ছে। কালো ও সিলভার কালারের ল্যাপটপগুলো ১৫.৬ ইঞ্চি ও ১৪ ইঞ্চি ডিসপ্লে, ডিডিআর৪ র‍্যাম, এনভিডিয়া ও ইন্টেল গ্রাফিক্স কার্ডসমৃদ্ধ। কোরআই৩ ল্যাপটপগুলোর দাম ৪০ হাজার থেকে শুরু, কোরআই৫ ল্যাপটপগুলো দাম ৫০ হাজার থেকে শুরু এবং কোরআই৭ ল্যাপটপগুলোর দাম ৬০ হাজার থেকে শুরু। যোগাযোগ : ০১৯৬৯৬৩৩১৫৩

ট্রান্সসেডের অ্যাপল সলিউশন প্রোডাক্ট বাজারে



ট্রান্সসেড ব্র্যান্ডের অ্যাপল সলিউশন পণ্য এখন বাজারে সরবরাহ করছে ইউসিসি। প্রোডাক্টগুলো হলো- এসএসডি আপগ্রেড কিট ফর ম্যাক, যা ম্যাক

বুক এয়ার, ম্যাক বুক প্রো এবং ম্যাক বুক প্রো উইথ রেটিনা ডিসপ্লে প্রোডাক্টগুলো বিভিন্ন ভার্সনের ওপর ভিত্তি করে আলাদাভাবে বাজারে পাওয়া যাবে। ২৪০ জিবি, ৪৮০ জিবি ও ৯৬০ জিবি আকারে পাওয়া যাবে এই এসএসডি আপগ্রেড কিট। যার সাথে গ্রাককেরা পাবেন একটি করে এনক্লোজার ও একটি করে কমপ্লিট টুলস বক্স। এছাড়া রয়েছে এক্সটার্নাল ফ্ল্যাশ এক্সপানশন কার্ড, যা ম্যাক বুক এয়ার ১৩ ইঞ্চি, ম্যাক বুক প্রো ১৩ ইঞ্চি, ম্যাক বুক প্রো ১৫ ইঞ্চির লেট ২০১০ থেকে আরলি ২০১৫-এর বিভিন্ন মডেলের ওপর ভিত্তি করে ভিন্ন ভিন্ন মডেল যেমন- জেট ড্রাইভ লাইট ১৩০, ৩৩০, ৩৫০ ও ৩৬০-এর ১২৮ জিবি আকারে পাওয়া যাচ্ছে। যোগাযোগ : ০১৮৩৩৩৩১৬০১